

5

Declaration & signification de la Comete veue en l'an mille, cinq  
tens, septante & sept, diligemment obseruée, depuis qu'elle a commencé à se mor-  
tir, jusques à la fin, Par M. David de Mauden, Docteur en Medecine, Lecteur des Ghirurgiens  
& Medecin iuré renommée ville d'Anvers.  
Traduite de Flamēn en Français par Estienne de Valcour.



EN ANVERS, Chez Antoni Tilens, L'an 1578. Avec Grace & Privilege.

*Admonition aux Lecteurs.*

VE les châtimens & afflictions viennent à cause des pechez, il est tant evident, qu'il n'estia besoin qu'on en fasse aucune demonstration: & que Dieu n'ait iamais enuoyé aucunes aduersitez, sans premierement auoir aduerti les hommes longuement au parauant, il appert aussi partoutes les escriptures. Ainsi voyons nous aussi maintenant yn auant coureur & messager des tribulations & calamitez futures, qui nous denonce le merueilleux courroux de Dieu, & que sa verge est estendue sur nous, pour nous rigoreusement chastier. Mais le Seigneur estant plein de misericorde, ne nous veut point corriger en son ire, ains nous menace premierement par signes: demonstrant sa nature & bonté paternelle, & dônant à cogn oistre, qu'il ne punit point volontiers, mais qu'il aimeroit mieux que nous nous amendissions, estâs aduertis par ses menaces, à fin qu'il peust retenir son courroux. Mais communement nous ne nous amendons point, à l'occasion de quoy les tribulations souuent nous surprennent. Pourtant qui veut euyer la punition diuine, il n'a autre refuge sinon à Dieu, par repenteance & amendment de vie: & ainsi pourra il euyer les châtimens & afflictions que le Seigneur nous predit par ceste Comete, & point autrement.

*Entendez maintenant ce que i'ay remarqué en ceste Comete, depuis le commencement jusqu'à la fin, suyuant l'enseignement de Ptolemens.*

EN l'an present, mille, cinq cens, septante & sept, vne Comete est apparue l'onziesme iour de Nouembre au soir, deuant les six heures, laquelle i'ay premierement commencé à obseruer le quatorziesme iour du moys susdit, & trouuay qu'elle estoit au Zodaicque en Capricorne, ayant vne queue fort longue, large & cheuelue, finant avec vne pointe, & estoit claire & reluisante, tirant sur le roux, & deuenant peu à peu de plus claire en plus claire depuis la pointe de sa queue iusqu'à son corps: De sorte qu'à sa longueur, cheuhure, clarté, & couleur, elle sembloit auoir parfaitement la nature de Mars & Mercurie. Or pour la pluye & bruine qui continueret icy par trois iours, ie ne scieu plus voir la Comete, iusques au dixneufiesme iour: & alors i'apperceus qu'elle n'estoit gueres loin de la ligne eclipsiale, au vingtseptiesme degré de Capricorne, ayant vne autre forme & facon que deuant: car elle estoit obscure & tenebreuse, ayant la queue estendue vers Orient, qui estoit fort longue & large iusqu'à la fin: & estoit

estoit ladite queüe vn peu courbée , depuis le commencement ius-  
qu'au bout, monstrant selo la largeur d'Orient vers le midy. La cou-  
leur de ceste queüe estoit obscure à la fin , tellement qu'on ne pouuoit  
voir le bout deuant huit heures , quand les estoilles apparoissoyent  
le plus , & estoit peu à peu plus claire venant vers son corps : telle-  
ment toutefois, que le corps avec la queüe estoient tousiours de cou-  
leur plombatre, monstrant qu'elle estoit lors entierement de la natu-  
re de Saturne , & vn peu de celle de Mercure.

*De cours & progrez de ceste Comete.*

**S**On cours & progrez est sorty du Zodiacque , du signe de Capri-  
corne , estant vers la partie Septentrionale de Galaxie , souz vne  
estoille nonimée l'Aigle volant. De là elle est montee *per mixtu motu*,  
partie en la longueur, partie en la largeur du ciel, à sçauoir allant vers  
Orient, & mótant vers Septentrion, tousiours selon l'ordre du signe  
du Zodiacque : mais son progrez estoit fort tardif, car elle n'alloit  
iournellement qu'vn degré & douze minutes *motu Veneris*, & tenoit  
tousiours la queüe vers Orient . Elle montoit ainsi du Zodiacque  
obliquement en Aquarius, & passa en apres le Cercle equinoctial,  
deffouz l'estoille appellee Daulphin, amoindrissant lors tous les jours  
vn peu de sa longueur : car le vingt huitiesme de Nouembre elle  
estoit dans le Cercle equinoctial, au huitiesme degré de Aquarius: &  
ayant passé le Cercle equinoctial, elle alla en auant outre l'estoille du  
cheualet , vers l'estoille du cheual volant, nomme *Pegasus* & se trou-  
ua le vingtseptiesme de Decembre au douze degré de Pisces , allât  
à la poictine de *Pegasus*, enuiron *Tropicum Cancri* : & là estoit elle si  
petite , & si pres defaillie , qu'elle ne poutoit bonnement estre ap-  
perceuë de chascun. Puis ayant passé la neufiesme & dixiesme maison,  
elle est entrée en l'onziësme maison, là ou elle s'esuanouyra.

*La forme du Ciel en nostre Horizon estoit lors telle.*

**S**yuant Haly (pour ce que nous n'auons pas veu son vray commé-  
mement) ie commenceray depuis la nouvelle Lune, qui estoit le  
nuit, montant d'Orient au huitiesme degré de virgo, la Lune & le So-  
leil au xxvij. degré & xv. minutes de Scorpio en la troisiësme maison,  
la Comete en la cinquiesme maison en Capricorne : peut estre au  
quinziesme degré, contant autant en arriere jusqu'à la nouvelle Lu-  
ne, comme nous l'auons iournellement trouuée allant en auant: Si  
qu'elle estoit au commencement coniointe à Saturne, qui estoit pour  
lors au ix. degré & liij. minutes de Capricorne. Mais nous nel'auons

sceu voir que le Soleil ne fust couché , à cause de sa clarté qui empêchoit , & la trouuions lors en la huitiesme maison du Ciel. Ceste Comete a tousiours esté , depuis le commencement iusqu'à la fin , en la quadrature de Venus , qui estoit alors au xvij.degré de Scorpio , conjointe avec Mars platice . Laquelle Venus a tousiours tenu compagnie à ceste Comete avec semblables degrez en quadrature , depuis le commencement iusqu'à la fin . Mais a tousiours fait son cours vn peu devant la Comete és degrez *ex quadrato* , iusqu'au premier de Decembre , que Venus l'acconsuait , & fut conjointe avec luy . Apres , Venus & la Comete ont fait leur cours devant par ensemble *ad gradum* , estás lvn à l'autre tousiours en vn quatriesme aspect , & ont laissé Mars derrière & eschappé , principalement le xvij. de Decembre . Mais Venus n'a point cessé de pourluyure tousiours ceste Comete , avec vn regard à demy d'inimitié , iusqu'à ce qu'elle s'est esuanouye . Quand ceste Comete estoit si claire & rousse , elle estoit conjointe *in longitudine* avec *Vulnur volans* , qui est vne estoille claire , de la nature de Mars & Jupiter . Le neuiesme d'Octobre , devant l'apparition de ceste Comete , y auoit vn quadrat de Saturne & Mars , & aussi de Venus le quatriesme de Nouembre , & Saturne estoit *prope viam lacteam* , où ceste Comete a esté engendrée & produite par eux .

*De la vertu & signifiance de ceste Comete.*

Pour venir à la cognoissance d'icelle Comete , que chascun desire bien de sçauoir . ie trouue qu'elle signifie grands troubles à venir , & guerres sanguinaires , où beaucoup de Nobles seront occis en bataillant , & beaucoup de Nobles aussi menacez de mort , par embusches secrètes & subtiles fiueuses . Il y aura beaucoup de cauteleux , faux & deceuables conseils , par lesquels plusieurs seront tenuz pour amis , mais ils seront ennemis secrets & couverts , & n'ameneront rien que trahison : ce qui aduiendra principalement , apres que la furie de la guerre sera passée . Ceste Comete demonstre aussi qu'il aduiendra plusieurs tremblements de terre , grands vents & tempestes , beaucoup de neige , glace , & grandes froidures : plusieurs inondations & desbordements d'eaues , grande mortalité de poissons & cheuaux , & pauvreté . Puis apres , elle denoce au commencement fiebures fortes , resueries , & peste : aussi , longues maladies , atrophies , c'est à dire quand on est en chartre , apoplexies , fiebures quartes , & hydropisies : & *hac ex causis physicis* . Mais considerat que les Cometes occultement signifiēt beaucoup de choses , qui ne peuuēt estre descouertes par aucune raison , ny comprises , iusques à ce qu'on les voye en besongne , pour effacer

etuer leur signifiances , il est bien à presumer que ceste Comète pre-  
sage vn monstrueux evenement , ou quelque estrange entreprin-  
se : car elle à fait son cours par aupres des monstrueux & irraison-  
nables animaux du ciel ; aussi auons nous veu ceste annee , que la  
mer à amené trois monstreux poisssons à la rive , qui ont esté prins  
& menez à terre : lesquels (avec ceste estoille ou Comete) met-  
tront quelque chose d'estrange en auant : mais la fin en sera bonne .  
Or enntendez donc ce que Haly (fort ancien Astrologien,) a écrit  
des Cometes , qui sont trouuees és animaux où ceste Comete a esté .  
Premierement ceste Comete a esté en Capricorne : dont Haly écrit  
ainsi . Quand vne Comete est veuë en Capricorne , elle signifie beau-  
coup de mal à venir , par noise & discord . Secondement , ceste Comete  
est venue en Aquarius : ou Haly écrit ainsi *Præterea si casus ille fuerit  
in Aquario , significat quod insurget homo derisus , & confirmabit se in regno ,  
& durabit in eo modicum , & postea accident multæ imperfectiones , & fortes .*  
C'est à dire . vne Comete qui vient en Aquarius , demonstre qu'un  
homme ridicule s'esleuera , & se confirmera au royaume , & y sera  
quelque peu de temps : & apres aduiendront plusieurs meurtres  
& occisions . Tiercement , ceste Comete est venue *in piscibus* : où  
Haly écrit ainsi . *Tandem , si casus ille fuerit in piscibus , significat quod Rex  
faciet in populo iusticias & reætitudines ; etiam significat saluationes , & mul-  
tas aquas .* C'est à dire . Si la Comete vient *in piscibus* , elle signifie que le  
Roy fera Justice au peuple : elle signifie aussi saluatiōs , & beaucoup  
d'eauës . Des paroles precedentes que Haly a escriptes , on peut enten-  
dre , que par beaucoup d'abus & faute de bon sens , par grandeur de  
cœur , presumption , & hardiesse , il aduiendra grande guerre & noise ,  
qui causera beau de maux , mais la fin en sera louable : Dieu le doint ,  
par sa grace .

#### *Les pays menacez par ceste Comete .*

**L**es pays qui sont paruenuz à grande estime & valeur , & qui sont  
haut esleuez , estans souz Libra , Capricornus , Scorpius , Aquarius :  
& Pisces , sont menacez des afflictions que ceste Comete annonce ,  
comme les Indes , Macedoine , Turquie , Portugal , Ethiopie , Daulphi-  
né , Sauoye , Alsace , Liuonie , Austriche , Saxe , Hesse , Turin , Occident , &  
Midy , Suede , la haute Bauiere , & Nortyyeguen ; apres , Heynaut , Flan-  
dres , & Brabant .

#### *Les Villes .*

**L**es villes menacees de ces calamitez , situees esdits pays , ce sont  
celles qui approchent le plus d'Orient , selon la largeur d'iceluy ,  
qui s'estend vers Midy : cōme Viane en Austriche , Salsbourg , Bauiere ,  
Inguelstat , Ambourch , Bremen , Jullet , Cleues , Gand , Mons en Hay-

A 301 no 1 naut,

naut, Malines, Placense, Vrbino, Taruiso, Padue, Foro Julio, Montferrato: Valence en Espaigne, Compostelle, & plusieurs autres, qui feroyent ce discours trop long à les nommer.

### *Les personnes particulières.*

**L**es personnes particulières qui sont les plus menacées par ceste Comete, ce sont celles qui ont la dicte Comte à leur natuité en l'ascendent, c'est à dire, qui montans à leur natuité ont en Oriët Capricornus, ou Aquarius, ou Pisces : ou qui ont ceste Comete *cum significatore vita*, pourroyent bien auoir quelque maladie perilleuse, ou venir en danger de mort. Et ceux ou celles qui ont les signes dessus mentionnez sui le midy, ou en la dixiesme maison à leur natuité, ceste Comete leur annonce, ou amoindrissemēt d'estat, office, ou gouvernemēt : ou elle leur denonce accroissement de gouVERNement & d'estat, ou office, selon que la situation & nature de la natuité est.

### *De ceux qui sont naiz au temps présent.*

**M**ais quant à ceux qui sont naiz durāt le temps que ceste Comete apparoissoit, elle leur denoce telle chose, à sçanoir. Ceux qui l'ont en l'asendent, si ils demeurent en vie, sans en recevoir aucun mal, comme il m'est aduis qu'ouy, d'autāt que son mouvement n'est point si fort, qu'ils ne le pourront bien endurer, ils seront industriels, & grands personnages. Semblablement quiconque aura esté nay ayant ceste Comete en la dixiesme maison, il parviendra à grand estat & gouVERNement.

### *Combien ceste operation durera.*

**L**es Cometes sont choses qui aduiennent peu souuent, & ont leurs operations vn temps incertain : car aucunes font leur operation par aucunz iours seulement, aucunes par semaines, aucunes par moys, & aucunes par ans. Mais quand les Cometes sont grandes, & ont la queue fort longue, comme ceste cy, & reluisent longuement au ciel; ainsi que ceste cy a faict, car elle y est demeurée plus de cinquante iours, alors elles ont leurs operations par années. Pourtant les operations de ceste cy seront de grande efficace & pouuoir, & dureront longuement, mais elles aduiendront tard: car elle est vespertine, & faisoit tardiuement son progrez, tellement que son operation sera la plus part apperçue in annis criticiis, à sçauoir dedans quatre ans, & le septiesme, neuiesme, onziësme, & quatorziësme. Mais sa premiere signification, qu'elle auoit lors qu'elle estoit si claire, nous sera manifestee d'icy à quelques mois. Dieu nous doint ce qui nous est salutaire, & la grace de nous tellement amender, que nous ne soyons pas chastiez en son ire. △

*Comme*

*Comme ces operations peuvent prendre fin.*

Les Cometes mettent fin à leurs operations en trois sortes. Premièrement elles finent leur operation d'elles mesmes, à sçauoir, quand elles ont operé iusqu'à la fin de leur pouuoir, comme il aduert en toutes choses naturelles : & ainsi ceste Comete deuroit encore operer par beaucoup d'années. Secondement, leur operation fine, quand une autre Comete vient, qui est de nature contraire, ou qui par sa force faisant operation cōtraire, mest à neant l'operation de la Comete precedente. Tercierement, leur operation fine, quand il aduient vne Eclipse ou conionction, qui est en vn lieu contraire à la Comete, ou de nature contraire.

#### *De la Religion.*

Touchant la Religion Chrestienne, je ne trouve point qu'elle y fasse quelque mauuaise demonstration, ains beaucoup plustoit bonne. Mais je trouve bien qu'elle menace la Religion des Juifs, & des Turcs, car elle estoit au commencement pres de Saturne, & a passé par ces deux maisons: puis estant en Aquarius, elle fut aussien son Trigonus; & en celuy de Mercurius : & a eu grandement la nature de Saturne, depuis le septiesme jour iusqu'à la fin : & *lex Judaica esse dictatur à Saturno* : tellement qu'elle pourroit bien demontrer vn grand changement en la religion Judaïque.

En apres, quand ceste Comete fut en Capricorne, elle estoit lors en vn mauuais aspect de Mars & de Vénus, qui estoient cōjoincts ensemble, tous deux ayans *Trigonus in Capricorno & Piscibus*, & poursuyuans *in quadrato* ceste Comete iusqu'à ce qu'elle s'esuanouyt : & *religio Maumethana Marti & veneri subiicitur*. De maniere que ceste Comete demonstre aussi, que la religion de Mahomet, ou la Loy du Turc pourroit bien prendre fin, devant qu'icelle Comete cesse d'operer.

Quant à nostre religion, à sçauoir la religion Chrestiene, il me semble qu'elle n'y fera sinon bonne operation: car les Cometes qui signifient changement de Religion, font leur cours contre l'ordre des signes du Zodiaque, ou elles vont au Cercle equinoctial, ou en Libra: parquoy il faudroit qu'elle fust Iouiale, ou Mercuriale, pour demonstrier nostre Religion : *Ioui enim & Mercurio Religio Christiana subiicitur, ut Astrologi ferunt*. Mais ceste cy a fait son cours selon l'ordre des signes du Zodiaque, & a passé obliquement le Cercle equinoctial, allant ainsi iusqu'à *Tropicum Cancri*, qui ne signifie aussi aucun changement de religion: Elle n'est pas aussi de la nature de Jupiter, parquoy elle ne demonstre nul changement de nostre religion. Mais d'autant qu'elle est ve-

est venue de deux mauuais signes en vn bon signe, lesquels mauuais signes signifient deux loix mauuaises, & ce dernier signe vnc bonne Loy, ou la Loy Chrestienne, qui enim illi loco dominatur, adiuuat eius effectum. Je dy pour faire ma conclusion, que ceste Comete commencera tard ses operations, & quelles dureront longuement: & qu'apres beaucoup de fascherie, pauureté, angoisse, guerre, trahisons, tromperies, tempêtes, & tremblements de terre, elle nous annonce beaucoup de bien, à cause qu'elle est allee finer *in piscibus*, aupres de *Tropicus Cancri*, venant des deux plus mauuaises maisons en toute la meilleure maison, & aupres du lieu qui ne demonstre nul changement de Religion. Si q̄ sa fin sera conseruatiō, plaisir & ioye, à cause des deux mauuaises loix qui seront aneanties, & que toutes erreurs feront ostees, & qu'on ne trouuera plus de religion estrange, ne changement, ne discord pour la Religion, mais y aura paix & concorde entre les hommes: ce que le courbement de l'estoille semble aussi donner à cognōistre: & pareillement à cause que ceste Comete est finee *in domo Iouis*, & *ad Tropicum Cancri*, où l'upiter est en sa maiesté, ou exaltation, Tellement que la Religion Chrestienne fleurira, & seront le Chrestiens seuls esleuez, & mis hors de toute erreur: & toutes nations honnoreront & suyuront ceste cy, & viendrōt en la bergerie, de laquelle Iesus Christ seul est le Pasteur. Dieu doint que ce puisse estre bien tost.

**Estienne de Valcour à ceux qui suivent les voluptez**

& la gloire de ce monde,

**Confiderez, humains, confiderez, en crainte,**

*Les merueilles de Dieu, que voyons aduenir.*

**341** Faisons nostre deuoir de suyure sa loy sainte,  
Toutz qui nos ay il nous sauve en sa arde tenir.

131 Luy priens qu'il nous veuille en sa garde tenir.  
Jesus Christ, filz de Dieu, nostre Sauveur es maistre

*Nous à manifesté, pour nostre saulement*

Quel'on verroit ass' ciel & en terre apparoistre

*Des signes merveilleux devant son jugement.*

**Or qu'ayons desja ven, pieça, en mainte p**

Guerre, peste, famine, & autres maux regner,  
Cela comme encore à présent nous menace;

Ceste Comete encore a present nous menace.  
Disez-nous si son courroux loin de nous detourner.

Sous donc, amendons nous, croyans à l'Es

Et l'on à l'autre ayons parfaictte Charité :

Afin qu'auoir plusieurs (comme il nous est facile)

*Raix icy, & aux cieux, à perpétuité.*

A. M. David de Mauden, Docteur et expert en médecine  
et en physiologie, &c. Sé bien le cours des presages,

De ceste Comete as descrit, & se ouer, le comte de S...  
Cest en deis pour son docte espris. 3 Eſtre mis au rang des plus sages.

Que faire alors, pour tenir au lit l'épouse, à l'opposition de